



**Australian Government**  
**Independent Reviewer of Adverse  
Security Assessments**



## **Independent Review (Rohingya)**

## **Azadirsatthey Dubara chack goron**

*Australian Security Intelligence Organisation (ASIO)* zitarar mushwara duara *Department of Immigration and Border Protection (DIBP)* immigresin nay duniar kanunor motabic sahara dibar zemma asayday hidilla manshoray imgrasinor cammot rakhi diah-day hitarar case-orya dubara azadirsatthey chack goribala azad dubara chack goroya ek-zon Attorney-General lay mukaror ghojay.

Dubara chack goribar shorot hin [www.ag.gov.au/asareview](http://www.ag.gov.au/asareview) aray asay.

### **Dubara chack gori bar kabel khunua ?**

Ze manshor ray shantir khotora asay khoy faisala diah, hitartin Azad dubara chak goroyah loy faisala heyana dubara chack goribar haq asay zodi: (a) hetara Australiar imgrasinor kanunay bon asayday hoylay ar (b) hetararay duniar kanunor motabic sahara dibar zemma asayday bole faisala diah day hoylay. Hetralla azad dubara chack goroya hibaray mukaror gora giah.

### **Dorkhasor torika**

Twin dubara chack gori bar kabel hoyle, azad dubara chack goroya yeh twen kabel day hiyan cere lakhe zanaybo ar dubara chack gori bar dorkhasor foram dibo.

Twan shantir hkotora khoy faisala diah day hiyan oray dubara chack goito monay kholay, twan tin dubara chack goribar dorkhas foram hiyan bori azad dubara chack goroyar khanse fonsa furibo. Dorkhas oray azad dubara chack goroya yeh cere diah day tarikh ortin shurughiri 60 dinnor butoray fonsa furibo.

Twanr dorkhasor foram 60 dinnor butoray fonsi lay, twanr casory azad dubara chack goroya tin khamakah dubara chack gora furibo. Twanr dorkhasor foram 60 dinnor baady zodi fonsayo de-hoy lay, azad dubara chack goroya yeh twanr casor dubara chack goribo yato nogoribo nezay faisal gorifary, Twin azad dubara chack goroya 60 din keyala faray yeh diah hiyan buzay phailay kafee modot hoybo.

Twanr dorkhas fonsay tay guzarish nama diah no-foribo, guzarish nama khon taimmot diah forbo day hiyan twan ray zanaybo ar toyarilla taimmo diah zaibo.

### ***Mor dorhkas toyar goriballa wakil yato ar khonikeyar modot loy farim nay?***

Jeeh, taim ailey, Twanr dubara chack gori bar dorkhas oray mosbut ohfan lekhar guzarish goriballa wakil yato aro khonikeyer modotloy fariba.

Dorkhas gori fariboday hitararay khono tiyan-foysar modot gora no-zaybo.

## Tar-baday ke hoybo?

Azad dubara chack goroya yeh twanr dorkhas fai yeh day hiyan zanaybo. Hi taimmot karobar fura hoy tay takriban khodun taim lagibo boli khonnan mumkin noybo. Azad dubara chack goroya tin bishe cas hokol thakit faray, ar haar casory dorkhas fai mottor dubara chack gori balla mumkin noybo. Khodur rot tin shurugori chack gori bo khodday hiyan azad dubara chack goroya foray darmadar. Heray bhotdilla halot horay bafi yoray faisala diah zaybo.

Twanr dorkhas fai baday zador faray hiddur Joldi gori dobara chack goroya yeh twanr khelaf ASIO tin diah day faisala hiyanor wajah muktasor gory twanr ray zanaibo. Hei muktasor juwab hiyanot deshor la khotora hoit faray day hindilla malumat no tha kebo.

## Twanr Jawab ar Guzarish

Twanr casor dubara chack goraddy timor bitoray, khono timot, twanr casot modot hoybo day hind dilla guzarish nama hokkol leiki fonsai pahriba. Twanr khelaf ASIO tin diah day faisala hiyanor wajah muktasor gory twanr ray zanaiyeh day heyantor babotay yoh Jawab difariba aro malumat thaki lay dubara chack goroyar de fariba. Twanr guzarish, jawab ar malumat okkol oray leiki baday dubara chack goroya ray de fariba, zabiye malumat hin harroon oray bafee zaybo.

Twanr tin yato twanr wakil or tin zubani guzarish gori balala sod day hoylay, Dubara chack ghoroya re fusar ghorri fariba. Ijazot don ya to nodon heyantor dubara chack goroyar faisala.

## Dubara Chack Gori Bar Karobar

Dubara chack goroya yeh, ASIO ze sobutor saman yato malumat hokkolor say twanr khilaf faisala diah, saman hin haaroon dubara chack ghoribo. Heray bitoray bazaa asay day ar bazaa nay day malumat haaroon saybo. Dubara chack goroya yeh ASIO reh yo sobutor saman yato malumat hinor babottay sul ghoribo.

Dubara chack goroya yeh kabos-ponna sobut hinory khas ghorri chack gori bo day, twanr logay khono sual-jawab nogoribo. Lakin, twin zodi zubani guzarish gohri balla dorkhas ghoilay dubara chack ghoroya yeh hiyano bafi zaibo. Dubara chack goroya yeh twanr tin aro malumat hokol magit faray aro malumat hokol lehki yaray fonsay balla farmaish gorit faray.

Dubara chack goroya yeh Sobut or khabos-ponna haaroon say baday, dubara chack goroya yeh twin desh or shantir aman orla khotora khoy diah faisal hiyan sohi ya golot sobut asy day hinor foray say notijah ekan nolaybo. Dubara chack goroya yeh faiyeh day notijah hiyan oray deshor salamotir Director-General or zanaybo ar khono sefarish debar thai layyo dibo.

deshor salamotir Director-General lay Dubara chack goryar yeh zanay yeh day hinor ray bafi baday Dubarachack goroya ray jawab dibo. Dubara chack goroya yeh dorkas goroya khansay dubara chack gori ke natijah nay lay, ar Director-General lay ke fiasala ar dubara chack goroyar faisala ray ar faisalar wajah ray muktasor jawab lekhi twanr ray zanaybo.

Dubara chack goroyar faisala heyantor ar Director-general or Jawab or copy ekgua, Attorney General oray, immigrisin ar Border Protection minister) oray, ra deshor salamotir inspector-general oray diayah zaibo.

*Dubara chack goroya yhe zodi twanr khilaf faisala daih day heyen sohee no buli maney loday hoilay ke hoybo?*

Ehon Director-General zimma hoil day Dubara chack ghoroya faisalar jawab don ar behetor ziyen gora foray hiyen ghoran. Dubara chack ghoroya yeh diah yeh day faisala hiyanor uforay Director-General raze asay yato nai twanr ray zanaybo.

Dubara chack goroyar fisalar dowara, yano hoit paray day ke ASIO yeh Twanr la aro ek bar security chack gori bo. Zodi shey Asio yeh twin desh or shanti ar aman or la khono khatora noh khoyn faisal de lah, immigrisin nay twanr visa fibar haq ory bafi zaybo.

## **Namukamal Dubara chack goran**

Dubara chack goroya tin mukamal noho day hidil cas horay yo haq asay day manshor la dubara sa foribo. Namukamal dubara chack goribar karobar hiyen automatic shuru hoyza goy twanr tin dirkhas gor bar dorkhar no. Dubara chack goroya yeh twanr namukamal cas khon tay shuru hoybo ar Twanr tarfot tin aro maulumat tahy le de balala twanr ray dawood diah zaybo.

## **HAMISHAH GORA ZADAY SOWAL**

*Dubara chack goribala kho dun tim lagi bo?*

Foyto ekgo cas fura hoy tay bhot doyla cheez or foray dar madar, hetala khon tay fura hoybo sohi tim diballa mumkin no. lekin foyto ek-kan cas or Dubara chack goroya yeh zaydur faray hidur joldi goray.

*Dubara chack goroya tin manush ekgu aray immigrisin or cammot tin neylay fare nay?*

No fary.

*Dubara chack goroya tin visa dibar pawar asay ney?*

Nai.

## **Dubara chck ghoroya ray ken gori taluk gori ba**

Cere loy:

Independent Reviewer of Adverse Security Assessments  
PO Box 3198  
MANUKA ACT 2603

Ar email:

[ir@independentreviewer.gov.au](mailto:ir@independentreviewer.gov.au)